

0.0.1 kaccānagottasuttaṃ

0. sāvattahiyaṃ-

1. atha kho āyasmā kaccānagotto yena bhagavā tenupasaṅkami. upasaṅkamitvā bhagavantam abhivādetvā ekamantaṃ nisīdi. ekamantaṃ nisinno kho āyasmā kaccānagotto bhagavantam etadavoca: "sammādiṭṭhi sammādiṭṭhi"ti bhante vuccati, kittāvatā nu kho bhante sammādiṭṭhi hotīti?

2. dvayaṃ¹ nissito kho'yaṃ kaccāna loko yebhuyyena atthitañceva natthitañca. lokasamudayañca kho kaccāna yathābhūtaṃ sammappaññāya passato yā loke natthitā, sā na hoti. lokanirodham kho kaccāna yathābhūtaṃ sammappaññāya passato yā loke atthitā, sā na hoti. upāyupādānābhinivesavinibaddho² khvāyaṃ kaccāna loko yebhuyyena tañca upāyupādānaṃ cetaso adhiṭṭhānaṃ abhinivesānusayaṃ na upeti, na upādiyati, nādiṭṭhāti 'attā me'ti. dukkhameva uppajjamānaṃ uppajjati, dukkhaṃ nirujjhamānaṃ nirujjhatī'ti na kaṅkhati. na vicikicchati. aparappaccayā ñāṇamevassa ettha hoti. ettāvatā³ kho kaccāna, sammādiṭṭhi hoti.

pts page 017

¹dvaya - machasaṃ, syā.

²vinibandho - machasaṃ, syā, sīmu.

³ettāvatā nu kho - sī, 1, 2.

3. sabbamatthī'ti kho kaccāna, ayameko anto. sabbaṃ natthī'ti ayaṃ dutiyo anto. ete te kaccāna ubho ante anupagamma majjhena tathāgato dhammaṃ de-seti. avijjāpaccayā saṅkhārā. saṅkhārapaccayā viññāṇaṃ. viññāṇapaccayā nāmarūpaṃ. nāmarūpapaccayā saḷāyatanam saḷāyatanapaccayā phasso. phasapaccayā vedanā. vedanāpaccayā taṇhā. taṇhāpaccayā upādānaṃ. upādānapaccayā bhavo. bhavapaccayā jāti. jātīpaccayā jarāmaraṇaṃ, sokaparidevadukkhadomanassūpāyāsā sambhavanti. evametassa kevalassa dukkhakkhandhassa samudayo hoti. avijjāyā tveva asesavirāganīrodhā saṅkhāranīrodho. saṅkhāranīrodhā viññāṇanīrodho. viññāṇanīrodhā nāmarūpanīrodho. nāmarūpanīrodhā saḷāyatananīrodho. saḷāyatananīrodhā phassanīrodho. phassanīrodhā vedanānīrodho. vedanānīrodhā taṇhānīrodho. taṇhānīrodhā upādānanīrodho. upādānanīrodhā bhavanīrodho. bhavanīrodhā jātīnīrodho. jātīnīrodhā jarāmaraṇaṃ, sokaparidevadukkhadomanassūpāyāsā nirujjhanti. evametassa kevalassa dukkhakkhandhassa nirodho hotī'ti.